

Зунду толгъан чолу олзлхмн

Сентябрин 5-д КПСС-н Хальмг тангъчин комитетд, Зунду толгъан чолу олзлхин тускар совещань болв. Совещаньд КПСС-н Хальмг тангъчин комитетин промышленностин отделин заведующ ур Саврушев доклад келв.

—Зунду толгъан чолуг урдн гурвн-дөрвн организац эздж олзлдг билä. Ставропольск крайин күүцгч комитетин шиидврär. ода мана Хальмг тангъчин бääрн газрин промышленностин отделин медлд тер өггдв. Эн учрар, тангъчин бääрн газрин отдел голлгч эзнъ болджана.

Зунду толгъан чолу олзлна гидг ик чинртä керг, энүнд ядхдан 200 кун кöдлх зöвтä. Ода деерän механизм эс орцулджах учрар, öдр-сöбгын эргцд зургъахн мингъ шаху чолун белддж гаргъгдна, механизм орцулсн болхла хойргурвн холван икär чолун гаргъгдх билä. Энүнд чолу малтдж-керчдг гаргъдг комбайн ода бийнъ тавгдäд уга.

Эн чолу белддж гаргъдг ик кöдлджäх улсиг кергтä тоотарнъ тетгхмн, бääх бääринь ясад, ор-дерär тетгх зöвтäg үүрмүд Кирбасов болн Манушев хойр оньгтан авчаш. Олна хот-хол белдг гер бас уга, магазинтнъ хот-хол, эд-тавр хätär, энүнд олн-дун-

дин культурн кöдлмш кегдхш, газетс кун бичдж авхулхш, радио болн кино бас уга. Эмчин халхар бас сулар тетгджәнä, столмуд, стулмуд, нань чигн кергтä тоотнъ уга. Зунду толгъан кöдлмшчнриг хот-хоолар, эд-таврар тетгхин тускар тангъчин потребсоюз (ахлачнъ Сидоренко) бас юм кеджähш. Эн тоотд оньган öгч, дарунъ кöдлшчнрин бääдг геринь ясад, столов, клуб бäräл, магазинтнъ элвгär хот-хол, эд-тавр орулх кергтä, профсоюзин болн комсомольск организацс бурдäдж, кино дару-дарунъ үзүлджäh кергтä, — гидж ур Саврушев келв.

Совещань деер тангъчин күүцгч комитетин ахлачин дарук ур Язев, Элст балгъсна күүцгч комитетин ахлач Джимбинов, нань чигн улс, Зунду толгъан чолу болн известь олзлхин, кöдлмшин дугу-дунл уурулхин тускар сүв-селвгән öгцхäv.

Бурсельстройиг нег бульдозер маши Зунду толгъан кöдлмшт öгтхä гихмн, äмгнд уудг ус зöбхин тöлä нег бензовоз маши гаргъдж öгхмн гидж келцхäv.

Совещанä сүүлär, КПСС-н тангъчин комитетин сеглätр ур Жезлов үг келв.

—Зундун карьер маднд чолу öгсн деерän известь болн

бутов чолу öгхмн. Кöдлмш дегд ик болхмн, джилдän багъ гихдän 100 мингъгн кубометр чолу белдх зöвтävдн. Кöдлмш кех улс ик олн кергтä, эн тöлäd тигälän 100 öркбул äмг немдж öгх кергтä. Зундуд сән гидг кöдлмшчнрин поселок шишлнъ зурагъар бärх кергтä, эн кöдлмшиг архитекгурт даалгъхмн. Дакад эздүдин бийсиннъ гермүд бärлгъиг чангъгахмн, ссуд öгх кергтä, Зунду толгъад чолу белдлгнä кöдлмш гарддг управлень бурдäхлä сән болхмн.

Тиим ик олн кöдлмшчнр бääх газрт, эркән уга профсоюзин болн комсомольск организацс бурдäхмн. Тасрхан уга кино үзүлдг болхмн.

Тангъчин потребсоюзд нег бензовоз, 2 ачлгъ ачдг автомаши, 2 гер, 200 кубометр тосхлгин мод öгтхä гидж закхмн.

Тангъчин бääрн газрин промышленностин отделин заведующ ур Кирбасовд, Зунду толгъан карьерт кöдлдг улсиг дорнъ батлад, нег ормднъ кöдлдг кехиг даалгъхмн. Кöдлмшчнрт үкр хулддж автха гидж сельхозбанкин халхар ссуд гаргъулдж öгхмн, — гидж ур Жезлов келв.

Эн тоот келгдсн үгмүдäс иштägгär совещань шиидвр авб.
Д. САНГАДЖИЕВ.